

Simili modo poterimus excitare fidem circa reliquos fidei nostræ articulos, considerando rationes & motiva, quæ illos creditu dignos faciunt: & divinæ auctoritatis magnitudinem, propter quam firmissimè credi debent.

C A P U T III.

*Quomodo excitanda spes remissionis peccatorum,
& salutis obtainenda?*

Considerandum, Primò, quod Deus ex nihilo nos ad imaginem suam creavit, non ut damnaret; sed ut salvaret, & gloriæ suæ participes faceret. Bonum enim est sui communicativum, & summi boni est, summè se communicare.

Secundò, quòd cùm lapsi essemus in peccatum & perditionem, Filium suum miserit, ut natura nostra assumpta pro nobis satisficeret, nos redimeret, & ex inimicis amicos Dei, & filios, & Regni cælestis hæredes efficeret. Sic enim Deus dilexit mundum, ut Filium suum unigenitum daret; ut omnis qui credit in illum, non pereat, sed habeat vitam eternam
Ioan. 3.

Tertiò,

Tertio, Si Deus, cum adhuc essemus ini-
mici, nos ita dilexit, ut voluerit pro nobis
mortem subire; quanto magis nunc, cum ei
servire & placere cupimus, nos salvare desi-
derat, cum ad hoc morte non sit amplius
opus? Si enim, inquit Apostolus, cùm inimici
essemus, reconciliati sumus Deo per mortem Filij
ejus: multò magis reconciliati, salvi erimus in
vitâ ipsius. Rom. 5.

Quartò, Deum velle omnes homines salvos
sieri: ut expresse Apostolus affirmat. Imò
certum est, omnibus hominibus, præsertim
fidelibus, ex parte Dei dari auxilium suffici-
ens, quo salutem consequi possint, si velint
cooperari, ut ex Concilio Arausicanô cap. 25.
& ex Trident. sess. 6. c. 13. colligitur.

Quintò, Misericordiam Dei & meritum
Christi esse infinites majora, quàm sit gravi-
tas peccatorum totius mundi: omniáque
omnium hominum peccata ad misericordi-
am Dei, & meritum Christi, esse instar guttæ
aquaë ad immensum ignem. Quàm facilè
immensus ignis consumit guttam aquæ, tam
facilè Dei misericordia, & Christi meritum
absumerent omnia mundi peccata, si homi-
nes ex parte suâ se disponerent, & de illis do-
lerent.